



«Ahlussunna val-jamoa» kutubxonasi «Tavhid risolalari» silsilasi (2)

Bismillahir rohmanir rohiym

Barcha olamlar robbisi bo`lgan Allohga hamdu sanolar, payg`ambarimizga, uning oilasi va sahabalari hamda qiyomat kuniga qadar ularga yaxshilik bilan e`rgashgan kishilarga salavot va salomlar bo`lsin.

So`ng ...

Islom dini asoslanadigan va kishi musulmon bo`ladigan asos va ruknlari: **«La ilaha illalloh va Muhammadur rasululloh»** (Allohdan o`zga haqiqiy iloh yo`q va Muhammad uning e`lchisidir)»- deb guvohlik berish, namozni to`kis ado e`tish, zakotni berish, ramazon oyi ro`zasini tutish va yo`liga qodir bo`lgan kishining Allohning uyini haj qilishidir. Musulmon Islomi va iymonini himoya qilish uchun ularni buzadigan kufr, shirk va munofiqlikning barcha turlaridan, dinga bid`atlar qo`shishdan, Allohning Kitobi va rasululloh sollalohu alayhi va sallamning sunnatlariga zid bo`lgan yangiliklardan uzoq bo`lishi kerak. Chinki, bu ishlar bandaning qilgan amallarini bekor qiladi. bundan tashqari iymonni buzadigan yoki uni qalbda zaiflatadigan katta gunohlarni ham qilmaslik kerak.

Shu sababdan ham ushbu risolani musulmon deb o`ylaganimiz kishilarga nasihat, Islom risolatini etkazish va tanitish uchun ta`lif etdik va Alloh ta`olodan barchamizni o`zining to`g`ri yo`liga yo`llashi va salaf solih bilan e`ng oliy maqomlarda birga jam qilishini so`raymiz. **Omiyn.**



Islomning ta`rifi

«Islom»ning lug`aviy ma`nosi: «**bo`yinsunish**», «**itoat e`tish**» va «**taslim bo`lish**» **bo`lib**, shar`iy ma`nosi: «**Alloh ta`ologa tawhid bilan taslim bo`lish hamda itoat va shirkdan halos bo`lish bilan itoat e`tish**», demakdir.

Islomning ruknlari

Islom ruknlari rasululloh sollalohu alayhi va sallamdan rivoyat qilingan hadisga ko`ra beshtadir: «»**La ilaha illalloh va Muhammadur-rasululloh**» (**Allohdan o`zga haqiqiy iloh yo`q va Muhammad Allohning e`lchisidir**)»- deb guvohlik berish, namozni to`kis ado e`tish, zakotni berish, haj qilish va ramazon oyining ro`zasini tutish» (Imom Buxoriy va Imom Muslim rivoyatlari).

Birinchi rukn: «La ilaha illalloh va Muhammadur-rasululloh» (**Allohdan o`zga haqiqiy iloh yo`q va Muhammad Allohning e`lchisidir**)»- deb guvohlik berish.

Bu guvohlik til va a`zlar bilan talaffuz qilingan qat`iy e`tiqoddir. Uning ma`nosi: «**Allohdan o`zga haqiqiy ilho uo`q**», demakdir. Bu guvohlik dinning negizi va birinchi asosidir. Barcha ta`limot va farzlar undan kelib chiqadi. U - kufr va Islom o`rtasini ajratadigan so`zdir. Shu guvohlik asosida Yer va Osmonlar barpo bo`ldi, barcha maxluqotlar yaratildi. Shu guvohlik bilan Allah ta`olo payg`ambarlarni yubordi, kitoblarni indirdi va shariatni joriy qildi. Shu guvohlik sababli tarozular qurildi, nomalar yozildi, jannat va jahannam barpo bo`ldi. Ularning asosida savoblar hamda jazolar berildi. Uning uchun jihadlar qilindi. U - Allohning bandalar ustidagi haqqidir. U - Islom kalimasi va Islom diyorining kalitidir. U haqida



avvalgilar va oxirgilar so`roqqa tutiladi. U - mustahkam arqon, Alloh huzuridagi ahd, kalimai toyyiba, o`zgarmas va haq so`z hamda hayot dasturidir. U va uning ahamiyati sababli rasululloh sollallohu alayhi va sallam Makka shahrida mushriklarni da`vat e`tdilar, sahabalarini tarbiya qildilar. U kalimani ma`nolariga bog`lanib va talablariga amal qilib talaffuz qilgan kishi, muvahhidlar imomi Muhammad sollallohu alayhi va sallam xabar bergenlaridek, jannatga kiradi: «**Allohdan o`zga haqiqiy ma`bud yo`q e`kanini bila turib vafot e`tgan kishi jannatga kiradi» (Imom Muslim rivoyati).**

La ilaha illalloh» – payg`ambarlar olib kelgan tavhid kalimasidir. Alloh ta`olo dedi: «**Biz sizdan avval yuborganimiz barcha payg`ambarlarga: «Menden o`zga haqiqiy ma`bud yo`q, mengagina ibodat qilinglar!»- deb vahiy qilganmiz» (Anbiyo: 25).**

Payg`ambarlarning o`z xalqlariga qilgan birinchi xitoblari: «**Allohgagina ibodat qilinglar! Sizlar uchun undan o`zga iloh yo`q»** (jumlesi) bo`lgan e`di.

Muhammad Allohnинг e`lchisi» deb guvohlik berish, «La ilaha illalloh» deb berilgan guvohlikdan keyingi ikkinchi farzdir. U – rasululloh sollallohu alayhi va sallamga uning buyurgan narsalarida itoat e`tish, bergen xabarlarini tasdiqlash, ta`qiqlagan narsalaridan saqlanish, Alloh ta`ologa U olib kelgan va buyurgan narsalar bilan ibodat qilish bilangina ro`yobga chiqadi. Holbuki, Alloh ta`olo bizni Muhammad sollallohu alayhi va sallamga itoat e`tish va e`rgashishga buyurgan: «**Allohga va payg`ambarga itoat e`tgan kishilar, ana o`shalar Alloh ne`matlar in`om e`tgan kishilar bilan birgadirilar» (Niso: 63).**

Alloh ta`olo bizlarga rasululloh sollallohu alayhi va sallamga osiy va



muxolif bo`lishni ta`qiqladi: «Alloh Allohga va Allohning rasuliga osiy bo`lgan hamda Allohning hududlaridan oshgan kishini mangu qoladigan jahannamga kiritadi. Unga xo`rlovchi azob bordir» (Niso: 14).

Alloh ta`olo rasululloh sollallohu alayhi va sallamga e`rgashishni Allohga bo`lgan muhabbatning belgisi qilib qo`ydi: «Ayting: «**Allohnini sevsangiz menga e`rgashingiz, Alloh sizlarni sevadi va gunohlaringizni kechiradi. Alloh kechiruvchi va rahmli zotdir»» (Oli Imron: 31).**

Hurmatli o`quvchi, «La ilaha allalloh va Muhammadur-rasululloh»- deb guvohlik berishning etti sharti bordir. Ular quyidagilardir: ushbu shahodat kalimalarining ma`nolarini bilish, shakka zid bo`lgan ishonch, shahodat kalimalarini rad e`tishga zid bo`lgan qabul, yolg'onning ziddi bo`lgan rostgo'ylik, itoatsizlikning ziddi bo`lgan bo'ysunish, Allah ta`olo uchun ixlos va shu kalimalarga bo`lgan muhabbat.

Bu shartlardan maqsad, faqatgina shahodat kalimalarini talaffuz qilish e`mas, balki, ma`nolarga bog`lanish va talabga amal qilishdir. Chunki, shahodat kalimalari amallarning sog`lomligi va qabul bo`lishining asosidir. Amalning sog`lomligi va qabuli Allah ta`ologa bo`lgan ixlos va rasululloh sollallohu alayhi va sallamga e`rgashish bilan bo`ladi. Allahga bo`lgan ixlos bilan «La ilaha illalloh» deb guvohlik berish, rasululloh sollallohu alayhi va sallamga e`rgashish bilan e`saga «Muhammadur-rasululloh» deb guvohlik berish ro`yobga chiqadi.

Musulmnon do`stim, bilingki, shahodat kalimalarini ma`nolariga bog`lanib, talablariga amal qilib talaffuz qilgan kishi, rasululloh sollallohu alayhi va sallam xabar bergenlaridek, jannatga kiradi: «**Men Allohdan o`zga (haqiqiy) ma`bud yo`q va Muhammad Allohning e`lchisidir»-**



deb guvohlik beraman. Shu ikki kalima bilan, ularga shubha qilmay, Allohga duch kelgan banda jannatga kiradi» (Imom Muslim rivoyati);

Allohdan o`zga (haqiqiy) iloh yo`q va Muhammad uning e`lchisidir»- deb guvohlik bergen kishiga Alloh jahannamni harom qildi» (Imom Muslim rivoyati).

Odamlar boshqa narsalarda e`mas, jannatga kirish va jahannamga kirmaslik uchun bir-birlari bilan musobaqa qilsinlar!

Ikkinchи rukn: Namoz.

Namoz o`ziga xos shartlari, ruknlari, farzlari va sunnatlari bo`lgan ibodat bo`lib, muslimohga bir kecha va kunduzda besh vaqt o`qish farzdir.

Namozning kaliti - badan, kiyim va namoz o`qiladigan joyning pokligi hamda hadas (tahoratni buzadugan narsalar) dan tozalanishdir.

Namozning dunyo ishlarini harom qilishi takbir bilandir. Namozda xushu` va qalbning hushyorligi farzdir. Namoz badanning pokligi bilan boshlanib, ryh va nafsnинг tozalanishi bilan tugaydi. Uni haqqi bilan ado e`tgan kishiga Allohnинг jannatga kiritish ahdi bordir. Namozni ado e`tmaganlar uchun Allohnинг jannatga kiritish ahdi yo`qdir. Namoz - bandaning qiyomat kunida birinchi bo`lib so`raladigan narsasidir. **Agar uning namozi durust bo`lsa, boshqa amallari ham durust, agar namozi durust bo`lmasa, boshqa amallari ham durust bo`lmaydi.** Namoz dunyodagi oxirgi nafaslarini olar e`kanlar, rasululloh sollallohu alayhi va sallamning oxirgi vasiyatlari bo`lgan e`di: «**Namozga, namozga va qo`l ostingizdagи kishilarga diqqat e`ting!**» (Imom Termiziyy rivoyati, sahih hadis).



Ислом Нури

Alloh ta`olo bizlarni namozlarni o`z vaqtlarida ado e`tishimizga buyurdi: «**Namozlarini, о`rta namoz (asr namozi) ni o`z vaqtida ado e`tinglar va Alloh uchun umid bilan turinglar!**» (Baqara: 238).

Alloh ta`olo namozlarni zoe qilishdan ogohlantirdi: «**Har bir jon o`zi qilgan ishlarga garovga qo`yilgan. Faqatgina, o`ng taraf sohiblari bundan mustasnodir.** Ular jannaharda gunohkorlardan: «**Sizlarni jahannamga nima olib keldi?**»- deb so`raydilar. Gunohkorlar: «**Biz namoz o`qimas e`dik**»- deb javob berdilar» (Muddassir: 38 - 43).

Rasululloh sollallohu alayhi va sallam dedilar: «**Kishi bilan shirk va kufr o`rtasida namozni tark qilish bordir**» (Imom Muslim rivoyati);

Biz bilan u (mushrik) lar o`rtasidagi ahd – namozdir. Kim namozni tark et`sа kofir bo`libdi» (Imom Nisoiy, sahih hadis).

Alloh ta`olo namozlarni o`z vaqtidan kechiktirmay, jamoat bilan o`qishga rag`batlantirdi: «**Namozlariga e`tiborsiz bo`lgan namozxonlarning hollariga voylar bo`lsin!**». Namozlariga e`tiborsiz bo`lganlar namozlarini o`z vaqtida ado e`tmaganlardir.

Abdulluoh ibn Mas`ud raziyallohu anhu dedi: «Men rasululloh sollallohu alayhi va sallamdan: «Allohga e`ng sevimli bo`lgan amal qaysi amaldir?»- deb so`radim. Rasululloh sollallohu alayhi va sallam: «**(Belgilangan) vaqtida o`qilgan namoz**»- deb javob berdilar» (Muttafaqun alayh).

Har bir musulmon u hoh imom, hoh miqtadiy va hoh yolg`iz bo`lsin, o`qiyotgan namozida rasululloh sollallohu alayhi va sallamning namozdagи holatlariga rioya qilishi kerak. Zero, rasululloh sollallohu alayhi va sallam: «**Mening namoz o`qiganimni ko`rganiningizdek namoz**



o`qingiz!»- deb amr qildilar (Imom Buxoriy rivoyati**).**

Biz yuqorida namoz xususida keltirgan xabarlar qalbi bo`lib, Alloh ta`olo qalbini munavvar qilgan va qulog solgan kishilar uchun etarlidir.

Namozning samaralaridan ba`zilari: yurakning kengligi, quvonch, fahsh va gunoh ishlardan uzoq va Alloh ta`olo bilan doimiy aloqada bo`lish.

Uchunchi rukn: Zakot.

Zakot moliyaviy ibodat bo`lib, badavlat odamlarning boyliklaridan olinib, kambag`allarning e`htiyojlari uchun sarf e`tiladi.

Zakot, shariatda boylik uchun belgilangan miqdorga to`la bir yil o`tganidan so`ng, badavlat odam tomonidan olingan yer hosillaridan, yoki asliga bog`langan hayvon bolalari, yoki savdo foydalari (agar haqiqiy sarmoyasidan to`la bir yil o`tgan bo`lsa) kabi boyliklardan chiqarilishi farz bo`lgan sadaqadir.

Zakot to`rt turdagи boylikdan chiqarilishi farzdir:

- tuya, mol va qo`y kabi chorva hayvonlaridan;
- yerdan chiqqan meva va donlar, ma`dan va konlardan;
- o`z qiymatini yo`qotmaydigan oltin va kimishdan yoki ismlari farqli bo`lsada, muomalada ishlatilayotgan pullardan;
- foyda olish uchun hozirlangan tijorat mollaridan. Bulardan turi qanday bo`lsada, qirqdan biri zakot qilib chiqariladi.



Ko`plab odamlar Islomning ushbu buyuk rukniga baxilliklari, qizg`anishlari va shar`iy bo`lmagan yerkarda sarf e`tishlari yoki boyliklarining kamayishidan qo`rqib, e`tiborsizlik qiladilar. Holbuki, musulmonlar zakotning farz e`kaniga qat`iy qaror qilganlar. Shuning uchun ham, buni bila turib uning farz e`kanini inkor e`tganlar, garchi namoz o`qisalarda, ro`za tutsalarda, Alloh saqlasim, Islom millatidan chiqqan kofir bo`ladilar. Zakotni berishda baxillik qilib, belgilangan miqdordan oz bergen odam jazo va sazoga loyiq zolim bo`ladi.

Alloh ta`olo Qur`on Karimning ko`p yerida namozni zakotga bog`lab zikr qildi. Alloh ta`olo dedi: «**Namozni to`kis ado e`tinglar va zakotni beringlar...**» (**Baqara: 110**).

Zakotni ado e`tish mo`minlarning sifatlaridan biridir. Alloh ta`olo mo`minlarni sifatlar e`kan shunday dedi: «... **zakotni beradilar**» (**Mo`minuvn: 4**).

Zakotni bermaslik mushriklarning sifatlaridan biridir. Alloh ta`olo dedi: «**Zakotni bermaydigan mushriklarning hollariga voylar bo`lsin**» (**Fussilat: 7**).

Zakotni bermaganlarga qarshi Abu Bakr raziyallohu anhu kabi urush ochiladi. Abu Bakr raziyallohu anhu: «**Namoz va zakot o`rtasini ajratgan kishilarga qarshi jang qilaman**»- deb aytgan e`di.

Zakot berishning samaralaridan ba`zilari: nafshi baxillik kabi razil xulqdan tozalash, molni poklash va musulmonlar e`htiyojini qondirish.

To`rtinchi rukn: Ramazon ro`zasini tutish.

Ramazon ro`zasini tutish ramazon oyida e`rta tongdan to Quyosh



botguniga qadar yeish, ichish va jinsiy aloqadan Alloh ta`oloning roziligi uchun tiyilish bilan Alloh ta`ologa qullikni bajo keltirishdir. Ramazon ro`zasi balog`at yoshiga etgan, aqli, ro`za tutishga qudrati etadigan va o`z turar-joyida bo`lgan musulmno uchun farzdir. Uning farzligi haqida Alloh ta`olo dedi: «**Hoy mo`minlar, sixlarga sixl;ardan avvalgilarga farz qilinganidek ro`za tutish farz qilindi. shoyad taqvoli bo`lsangizlar**» (**Baqara: 183**).

Alloh ta`olo amallar ichidan ro`zani o`zi uchun tanlab oldi. Payg`ambarimiz Muhammad sollallohu alayhi va sallam xabar bergan hadis qudsiyda Alloh ta`olo dedi: «**Roza men uchundir va men uning uchun mukofot beraman...**» (**Imom Buxoriy rivoyati**).

Rasululloh sollallohu alayhi va sallam ko`plab hadislarida ro`za tutishga rag`batlantirdilar: «**Ro`za qalqondir** (ya`ni jahannam olovidan);

Ramazon ro`zasini iymon bilan savob umidida tutgan kishining o`tgan gunohlari kechiriladi» (**Muttafaqun alayh**).

Ramazon oyida hidoyat va hidoyat belgilari qilib Qur`on Karim indirildi. Ramazon oyida tarovih namozlarini o`qish sunnatdir. Rasululloh sollallohu alayhi va sallam dedilar: «**Ramazon** (oyining kechalari) **ni iymon bilan va savob umidida bedor o`tkazgan kishining o`tgan gunohlari kechiriladi**» (**Imom Buxoriy rivoyati**).

Ramazon oyining oxirgi o`n kunida masjidlarda e`tikof o`tirish sunnatdir.

Ramazon oyida ming oylik ibodatdan ko`ra yaxshiroq bo`lgan qadr kechasi bordir. U kechada samo e`shiklari ochiladi va duolar ijobat bo`ladi.

Ramazon ro`zasining samaralaridan ba`zilari: Allohn ni rozi qilish uchun



muboh (ryxsatli) narsalardan tiyish hamda tarbiyalash va toat-ibodat va sabr qilishga o`rgatish.

Beshinchi rukn: Ka`batullohni haj qilish.

Haj muayyan an`analarni ado e`tish uchun ka`batullhoni qasd qilishdir. haj balog`at yoshiga etgan, aqli va hur bo`lgan barcha musulmon e`rkak va ayollarag hayoti davomida bir marta farzdir. haj haj safariga etarli boyligi bo`lgan va sog`lom musulmonlar uchun farzdir. Alloh ta`olo dedi: «**Allohning odamlar ustida yo`liga qodir bo`lgan kishilar uchun haj qilish haqqi bordir» (Oli Imron: 97).**

Haj qilmoqchi bo`lgan kishida uchta narsa bo`lishi kerak: sog`liq, yo`l xavfsizligi va (hajga borish) uchun etarli mablag`. Tabiiyki, bu mablag` uning oilasi va borish-kelish chiqimlaridan ortiqcha bo`lishi kerak. Xotin kishi uchun boshqa bir shart ham bor. U - uning mahramining safarda hamroh bo`lishidir.

Hajning farzligini inkor e`tgan kishi musulmonlar ijmo`sni bilan kofir bo`ladi.

Rasululloh sollalohu alayhi va sallamning: «**Haj qilmoqchi bo`lgan odam shoshilsin**»(**Abu Dovud rivoyati**)- deb aytgan so`zlariga binoan haj qilish uchun shoshilish kerak.

Xususan, haj qilishi farz bo`lagn odam kambag`allik, kasallik yoki o`lim kelishidan avval imkoniyatlarni boy bermay, haj qilish uchun shoshilishi kerak. Haj va umra qilish uchun ajratilgan mablag` halol bo`lishi kerak. Chunki, Alloh ta`olo pokdir va pok narsanigina qabul qiladi.

Hajning katta savoblari bor. Rasululloh sollalohu alayhi va sallam



dedilar: «**Umra umraga qadar o`rtalaridagi** (gunohlarga) **kafforotdir. Mabrur (xatolari bo`lman) hajning mukofoti jannatdir» (Muttafaqun alayh).**

Odam haj va umrani hayoti davomida bir marta qilishi farzdir. Imkoniyati bo`lgan kishilar uchun boshqa qilish ixtiyorlidir.

Hajning samaralaridan: nafshi Alloh ta`olo yo`lida moliyaviy va jismoniy kuchlarni sarf e`tishga chiniqtirish.

So`ng...

Musulmon do`stim, bilingki, islom ruknlarini bilish va ularga amal qilish jannatga kirish va jahannamdan qutulishning e`ng muhim sabablaridan biridir.

Alloh ta`oladan ushbu risolani musulmonlar uchun foydali va ularning hidoyatlanishlariga sabab qilishini hamda o`zining yuzi uchun xolis qabul qilishini so`raymiz. U bunga qodirdir.